

浮黎鼻祖金華秘訣題詞

金華秘訣舊傳葛王二註細味王註不識藥物卽言言解折終屬未同惟仙翁註與紫陽序深得廣成之訣故諸經不列註獨入此註諸經不列序獨入此序而於王註則刪之知我罪我惟此一書矣己亥仲夏一壑居士題

謹案此經原名金藥秘訣藥字的是華字之訛向來相沿未加詳攷因關係經名不敢不辯試觀參同契云古記顯龍虎黃帝美金華又云卒得金華轉而相因許旌陽祖師石函記太陽元精論內云奇哉大道如是孰能結金華也乎佑上帝純陽道祖有金華宗旨闡明金華之義甚詳卽本經亦云開鼎視之金華射日其爲金華非金藥萬無可疑矣此經爲萬古丹經鼻祖眞傳秘訣盡寓其中得葛老祖註解精微直洩天機之秘後之學者幸寶之

廣化弟子惠覺謹誌

道藏輯要

金華秘訣
題詞

天

斗集四